

21664

III

Mag. St. Dr.


P

Baliński Joannis: Plautus Apollineus —

PAVING. et VITAE

Polon. Pol.

№ 858



PLAVSVS APOLLINEVS

Triumphanti ad Fortunatas Honoris Insulas

OPALENIÆ NAVI

Ad primum POSNANIAM ingressum,
ILLVSTRISSIMI & EXCELLEN-
TISSIMI DOMINI,

D. JOANNIS
DE BNIN

OPALENSKI

PALATINI BRESTENSIS,
CAPITANEI POSNANIENSIS,

MAIORIS POLONIÆ

GENERALIS,

publicæ lætitiæ & gratulationis ergo

Per M. IOANNEM BALICKI Phil: Doctorem, Almæ
Academiæ Posnaniæ. Cursus Phil: Professore,

EXHIBITVS.

Anno 1678. Die 5. Decembr.

POSNANIÆ.

Typis Alberti Reguli Młodziewicz.

IN STEMMA ILLVSTRISSIMÆ DOMVS
OPALENIÆ.



24.664^{III}

*Aurate properant Classes dum ad littus honoris
Aurea virtutum vellera forte vehunt.
Quid censes, faciat gradiens, OPALENIA Navis?
Fert rapido gressu dulce decoris onus.
Quam claram meritis Lechicus dum cerneret Ales
Semina virtutum, semper habere putat.
Ergo ait, augustas mereatur sumere Lauros
Quas sibi perpetuo sors veneranda ferat.*

ILLVSTRISSIMO
ET
EXCELLENTISSIMO
DOMINO,
D. JOANNI
DEBNIN
OPALENSKI,
PALATINO BRESTENSI,
CAPITANEO POSNANIENSI,
Maioris Poloniae
GENERALI,
Dño & Patrono Amplissimo.



D publicos Magnorum Heroum plausus, quos à Superis
ipsis sibi vendicant, letoq̃ concentu sonantia vota omni-
um, qui nouam in ijs felicitatem intuentur: erubescendum
omnino est Illustrissime & Excellentissime Domine, quo-
ties quæ alij seu non simplici ingenij censu exolunt, dis-
simulamus: seu transire in alienum munus permittimus.

Quaquam enim non leuis conscientia tenuitatis nobis sit, ad cuius corti-
nam semper ij spectantur, qui Musarum languido intuitu torfere Pala-
tia, vel ut (aiunt) inter coronata eruditorum capita exiguam glori-
am vendicare censentur: pectora tamen istam condemnant suspensionem,
quoties in illorum penetralia descendit, extra omne delictum hac infirma
censeri.

censeri; quæ se in validas explicare cupiunt vires. Nimirum vices istæ bonæ sunt non vitia animorum, etiam convictos tenuitatis, cedere in obsequium sponte Magnis Heroum mentibus, debitamq; conscientiam sibi esse censeri, explicando quod in illis seu Gradivum spirat, seu Leucadi-um Themidemq; sapit; inserere nomen eorum popularibus fastis: quibus æternum aded benevolam se posteritas obstrinxit: ut non surdis excipiat auribus nauteam, quam tum demum cum fortune fluctibus perficiunt, quando edito pulcherrimo extra omnem comparationis aleam facinore, ad coronas, clarag; toto Orbe Trophæa celebranda, vocantur. Namq; etsi præstare non sufficiant, extra tamen pudorem aggredi student, si se pietas, si candor, si debita munus venerationis prouocet. Non erubescenda hæc vis Apollini nostro incumbit, si quidquid ingenio suæ tenuitatis conscio, non aptè ad magna exculto, in Te conijciat: Tibiq; dudum ex meriti Tui erga se conscientia obligatus, hanc pietatem exerceat, ut publicum plausum & gratulationem, Tui ad præsentem Honorem ingressus & vota, ab eo recipias. Qui virtutum celsissimarum innumera facinora Tua in florenti hoc Lechiæ Regno, (ubi complecti ingenio non possit) predicare non valet satis: pietatis tamen Officiū pudore cum absoluet: cui ob submissionē, alta infra vires conaritante magis conceditur, quanto humiliori, studio corā Magnis Heroum mentibus se prosternit. Sitq; illi ad hunc ingressum Tuum Illustrissime Domine, primus de Te optimè merendi gradus: Cui à Tuo in quo Te superi dudum meritum collocant prosperari facile eueniet, & veluti in spem auream euidenter assurgere: cum Te Patronum Musis suis, ad Tuam Gentilitiam Nauem ad Honoris Insulam triumphantem, post victas procellas triumphare studentibus, ominatur. Cuius consortio ego quoq; addictus, vota facio ut eminentiorum adhuc in Regno hoc Lechico Honorum felicitatem, in Te superi conijciant, & ulteriora merita decorent.

Illustrissimæ & Excellentissimæ Dominationis Tuæ

Humillimus Cliens,

M. IOANNES BALICKI, Phil: D.

Academ: Posu: Phil: Cursus

Professor.

PLAVSVS APOLLINEVS.

ILLVSTRES, si quando viros fortuna coronat,
 Elogijs celebrare decet; quibus ipse Mineræ
 Candor adest, lepidam suadam, tribuitq; leporem
 Calliope aspirans; quæ dat sua plectra Pòétis.
 Nimirum, hæc pietas natis Helicone superbo
 Nosse suum munus, genio quem Numina poscunt
 Magna Lechi, meritos calamoque impendere census.
 Augustusq; licet verbis superesse nequibit
 Cultus & ordo, suum crimen facinusque tueri
 Quisq; solet referat ne conscius ore pudorem.
 Quidquid sola tamen pietas è pectore fundit,
 Effertq; eximio censu popularibus auris
 Iucundum solet esse satis: ruit omne nefandum
 Objectæ opprobrium subito meditabile culpæ,
 Inter tot documenta Tibi, quæ maxima fundunt
 Votorum Cicero, doctis quos spectat in vmbris
 Maturi sermone viri, & sacra numina vatum,

71. Prospiciuntq; suo Pindi quos culmine Musæ,
Magna Deum & quæ sunt hominum, cantare Pòetæ.
In Te quanta meæ superest facundia Musæ
Conijcio, meritorum & quæ est Tibi copia lustrans
Exonerant & quæ rapidam ad sua littora Nauem
Propellunt, calamo refero Vir maxime Regni,
Vera Lechi Soboles; quando Tua magna capeffis
Præmia, Magnatum turbis comitatus & Urbis
Ingredieris portas propriæ velut alter Vlysses,
Iucundam Patriæ terram, cui Tu ipse perennem
Fortunam importas, Themidi haud sociatus iniquæ
Ergo victrices Tibi dum sorsnectere lauros,
Dignata est, veniam tribues, si forte triumphis
Nauem quâ priscam decorauit Patria stirpem,
Illustrem ad littus fortunæ sistere vela
Cantabunt Lechico mea carmina protinus Orbi.
Primos ergo gradus Navis Tua clara trophæis
Concipit, & rapido Fortunæ littora cursu
Aggreditur, cui Lescinius benè conuenit Vrus
Auspiciûm faciens claro gestaminè Circli,
Rectè quo ad littus Naues retinentur, & omni
Tempore felices placido cum fidere portus
Percipiunt, & quæ referunt sua vota coronant;

Dum

Dum teneram excoluit doctus Tuā Apollo iuuentā,
 Pierij sacro residens in vertice Montis,
 Stemmata Lubransci Posnæ qui clarus ad Urbem
 Tollit ad astra caput, nitidus quod dum pede calcet
 Bellerophontis equus, cursu haud superabilis vllō,
 Fons subito erumpit ferturq; sub æthera riuus,
 Quos Tu manantes tenero quando ore bibisti,
 Protinus ingenio polles, quo Numina magna,
 Nutantem Patriæ retinent, si conceidit Orbem.
 Hinc placuit præclara Viris inuisere Craci
 Culmina, nobilior quibus indita gloria Pindi,
 Quem Lechico in Regno clarum Iagelonica sceptrā
 Illustrant, gemino è fonte vt sapientia prompta
 Sic magis assurgat, lætis celebranda triumphis.
 Ast flores, quibus ob Patriam manifesta iuuentæ
 Castalidum custos studijs alimenta ministrat,
 Si referant aliunde suos moresq; decusq;
 Celsius exsurgunt succo meliore resecti,
 Dant Patriæ tribuuntq; decus melioraque fata.
 Insignem genio varias Te duxit in oras
 Virtus, magna sibi generosæ conscia mentis,
 Nullis fortunæ aduersæ vincenda periclis
 Quā DOMVS antiquo ILLVSTRIS clarebat ab æuo

Indidit

Indidit hūnc ānimum in Patriam fidissimus ardor,
Moribus excellens externis vt mage posset,
Robore Consilij magno solidare, cadentem
Quod semper vexit victrix OPALENIA Nauis,
Vt primos ortus Lechico desumpsit in Orbe
Atq; repentē sibi adiunxit pro remige Clauas
Numina magna quibus totum sonuere per Orbem;
Purpureumq; tulit velum applicuitque nitentes
Præfulci Capitis gemmā radiante tīaras.
Inter tot decora hæc, radiat Tibi quæq; Ioannes,
Præfulea & sacra redimitus tempora vittâ,
In quo sors Regni certo spem cardine vertit,
Quam capiunt ædes sacrae, Diuūmq; Penates.
Dotibus insignis Patrias quando aduenis oras,
Tectaq; celsa domūs sublimibus alta columnis
Ingredieris, velut alma dies iam nocte repulsâ,
Pulchrâ luce nitens virtutum, tristia pellis
Nubila; Namq; subit genium demergere curis,
Consilijsq; animum generosē armare sagacem,
Quem Tu pro Patriâ, (vt cōsuēsti) impendere tentas,
Comitijsq; Tuum florem sinē fine fatigas,
Quod pietas & amor mandant, & nulla repugnat
Temporis ardua sors, frigus, Cæliq; minantis

Acris

Acris hyems, nimbis niuibus quæ strata viarum,
 Corrupit, celeres tardans ad munera gressus.
 Tentasti Pelagus vastum, sæuasq; procellas,
 Totq; vices superas, quot sustinet, Argo decora,
 Difficiles Thædis nunquam, quæ exhorruit iras;
 Ut mens illa, cui Maiorum sanguinis auspex,
 Nomen & omne tulit, Lechicus quod censuit Orbis,
 Appretiatq; sibi, in qua semper maxima pendet
 Sors, & certa salus, rerum spes magna suarum,
 Ferret opem Patriæ, maturo accincta labori,
 Fortunamq; daret cui vivere quemq; necesse,
 Qui Ciuis Patriæ, præclara stirpe creatur.
 Postquam sic rerum magna experientia crescit,
 Et pretiosa nimis, virtutum pignora Nauem
 Exonerant: tandem princeps vbi copia rerum,
 Ciuilisq; suam posuit prudentia sedem,
 Dirigis, impauido festinans remige cursum,
 Regum dum gressus celeres conuertis ad Aulam,
 Aulam, quæ recti virtutis quæq; Magistra,
 Gymnasium Tibi semper erat. Sic itur ad alta
 Sic Lechici semper conscendunt celsa Quirites.
 Hinc Tibi fata nouos merito sine fine triumphos
 Accumulant, palmisq; Tuam victricibus Argo
 C Exor.

Exornant, quæ vllis, confundi nescia ventis,
Innumeris sæclis Patriam seruabit in auge.
Cumq; Tibi, constans animus, qui cuncta gubernat,
Rector adest, Scyllas fugienti jamq; Charybdes,
Securum portum Deus ipse ostendit amoris,
Qui in thalamis residet, qui sacra iugalia nectit;
Adstipulas sociam vitæ de sanguine claro
Moribus eximijs, cui par sit nulla virago.
Inter tanta licet maneat iam pignora amoris,
Quæ Te felicem ad portum Tua sistere vela
Iure iubent, grauiora tamen tentamina sortis
Esse putas patriam defendere, & anxia Martis
Munera magni animi tentas fortissime Miles,
Et proprium tabulis Gradiui tradere nomen
Non dubitas, patriamq; tueri intendere sortem;
Quem precibus retinere nequit carissima Coniunx
Pectoris immensum munus licet esse fateris,
Vota refert nimium pro Te, Superosq; precatur.
Sed cum tanta Tibi veniat bellare cupido,
Deuincit Superos, qui pro Te semper in armis
Stant, & vim tribuunt, pugnantq; fideliter ipsi.
Quidquid enim sæuum ex Orientis Spartacus ille
Parte trahit, faucesq; tenent Mæotidis atræ,

Tauri-

Taurica sæua fouet, Tanais, vel barbarus ipse
 Armatum, ruit: & stygias bene fertur in vndas.
 Præcipitas ferro & tristem demittis in Orcum
 Sceptris qui dignus fuerat, sociatus Achilli.
 Sicq; TVÆ fortuna fauens resplenduit Argo,
 Vt fluctus dudum edoctam superare feroces
 Ad portum illustrem in Lechico deduceret Orbe.
 Ergo sic rostris Martiq; è voce Polona
 Authoratum Te, veneratur turba Senatus,
 Inq; Tuis meritis condignâ sede reponit.
 Publica vota trahis Musarum & Apollinis. Vnde
 Quos fons Pierius sacrato rore refecit,
 Hos clarus testis, Tua Virtus exhibet in Te.
 Clara Tibi resonant per Nos Lechico Orbe trophæas;
 Quemq; Palatinum Calissî Musa colebat,
 Hunc Generalem Te Maiorq; Polonia tota,
 Musarum & Præses Lubranscî dignè Heliconis
 Plaudendo, Themidî sociatum iure salutat,
 Et dum tam felix felicia littora prensas,
 Ad quæ quidquid adhuc maius coniecerit in Te,
 Sors Superumq; fauor: faciles nos pectore vultus
 Acturos sperare potes qui mentibus Argo,
 Æternum colimus submissis, iure decorem,

Et

Et cupimus linguis semper calamisq; mereri,
Ut Fautor Musis nostris, & Apollinis esse
Longæuū Tutorq; velis, cui fausta precatur,
Auspicijs tamen his merito felicior ibis,
Faustus Hymen quando succedens pectora flammis
Præcurrit; qui festa tulit socialia nuper
Fratri: exoptatam sortem quoq; contulit ipse;
Gloria namq; Domus meritis clarissima Regno
Celsiūs exurget, tempusq; vigebit in omne.
His thalamis sacris oritur spes magna Nepotum,
Qui Patriæ Naui solitum renouare decorem
Curabunt, semperq; extra discrimina flecti.
Hoc sacer ipse Tibi Lubranscī Cynthius optat
Qui cupit in gremio semper poscitq; foueri.





